

夢樓詩集

夢樓詩集卷三

丹徒王文治禹卿

揚州集

余在京師曾受業於武進劉映榆先生茲先生掌教揚州負笈就之時大江南北諸名士畢集相與唱和命曰揚州集古今體詩四十九首

冬夜邗江客舍小集同陳楚筠嚴東有徐蒸遠家少林

漁竿滄海久無家紅燭深杯惜歲華結客平生看古劍忍寒通夜待梅花邗溝鐘定潮聲遠旅館霜多鴈影斜今夕雲龍歡把袂渾忘我輩各天涯

送陳楚筠歸白下

把酒青衫驗淚痕名場廿載閱涼溫相逢意氣仍湖海從此文章說弟昆過鴈風前行易斷來禽袖裏字常存詰朝送別兼懷古落日空江望白門

同族弟少林夜話

天涯一見眼雙青纔信平原有鵲鴿終古友朋關性命頻年書劒太飄零燈殘雪案吟初罷雨歇山齋酒未醒往昔隨槎矜險絕共君長夜話滄溟

揚州逢琉球國謝 恩使者馬宣哲鄭秉哲畱飲舟中述別話舊慨然有作二首

海天誰信此相逢情話邗溝半夜鐘萬里秘書歸日本經年季子聘周宗月高更酌麻姑酒

麻姑出爲琉球屬島產酒絕佳潮響還

疑辨岳松

辨岳爲中山最高處多松柏

別後相思何處寄瀛波春靜臥

魚龍

流水年華重感歎隨槎曾向十洲居  
映花蠻女春鳴瑟乘燭仙童夜侍書  
斷素零縑鴻爪在紅塵碧海鴈音疎  
漁竿仍作滄江客慙愧王門舊曳裾

雪夜小集同李晴州丈暨陳楚筠夏芝三徐蒸遠

家少林各賦長句

賢哲聚會古所難歲暮况作天涯客  
呼童點火爇松葉酒卮落手那忍釋  
括州識面寬禮數容我行杯半膝席諸公  
豪宕盡善謔玉屑霏霏口無擇藏鉤射覆逞狡獪  
郢曲巴觥學輞磔

時予爲琉球歌

拇戰縱橫中疊雙觴政嚴明罰累百淋

滴几案移燈燭狼籍盤殮盡殺核放眼如在萬古前舉頭  
尙覺兩間窄是夜酒深不覺寒起視雪落正盈尺虛窗有  
影搖琅玕廣庭無聲積珪璧醜枝枯樹如死蛟六花點綴  
皆婉孌滿堂乘興灑豪翰蒼然響然奏刀騁百二城雄面  
谷關八九氣吞雲夢澤顧我才弱同嬰兒那當項籍一嘆  
惜酒力困人骨似綿哦詩不成空岸幘城頭鼓角報四更  
醉倒匡牀天已白

揚州送熊兆堂吉士之毘陵

紫微天上蕊珠人萬里江湖望帝宸敢倚布衣論縞紵

應憐席帽各風塵鄉園歸夢枕榔雨

兆堂粵西人

賓館離觴芍

藥春日暮鵲鴿飛又散淥波南浦易傷神

焦山八首

偶趁樵風便輕舸泛碧虛春聲江漲裏山色暮晴餘鴻漸  
波間石蝸盤竹下廬故林三載別攬勝重欷歔

古寺空王宅荒江處士星逶迤窮洞壑浩蕩看滄溟日落  
雙峰紫潮生萬樹青興幽忘主客吟上不波亭

警蹕曾過處離宮鎖翠微鶴春巢寶樹龍夜守巖扉水國  
年頻滂流黎晨苦饑聖朝勤撫恤遊豫爲民稀

時因江南未熟

南巡詔停

久作長安客交親阻暮烟相逢讀書侶話舊夕陽前

友人

書山中者

三詔空陳迹孤蓬且歲年名山難可到連臂踏層巔

雛僧導幽徑曲折展遊觀斲岸蛟鼉沒陰崖枯柏寒鉤衣

披蔓棘眺遠徬危闌翹首諸天近臨風問羽翰

肅肅深林晚團團海月生酒盞落颿影牀下走濤聲橫笛  
潛蚪舞高歌宿鳥驚水晶宮萬里如掌穀紋平

貧坐渾忘寐團蒲欹隱囊燈微摩詰室香燼贊公房鐘鼓  
傳空翠魚龍臥潏泱道人春睡美紅日又東方

未忍出山去蒼茫立水涯殘碑捫薜跡廢苑訪梅花漁曬  
臨流網僮敲隔竹茶何當婚嫁畢長此臥烟霞

同李琴夫殷石琴遊鶴林寺

著屐選勝遊捫蘿得良會霽雪輝郊垌佳樹紛映帶入林  
眼始寬踏凍路方隘崎嶇領幽邃豁達覩明快清流寒逕  
裊紺宇人烟外久辭山水鄉茲日憩茲蒼悅如平生交魂

夢相晤對出門夙感深還家此遊最累觴忘沈酣欹坐聽  
松籟

雪夜同殷石琴黃月波心潭上人集蕭爽閣

大江潮退暮樓空雪夜開樽蠟炬紅落月蒜山聞遠棹斷  
雲瓜渚到征鴻湯休甯屐煙霞外庾信登臨感慨中痛飲  
漫辭更漏轉交親三載各萍蓬

何左裴采菊圖

僻遠柴桑地蕭然黃葉深暮山連返照霜菊共秋心靜對  
英初落寒香澹上襟白衣如送酒何處可相等

題杭州張仲謀秋湖送別圖

西湖天下勝昔遊正春煦樓臺紛蔽虧林巒劇奔赴丹崖



著朱花碧流翔白羽乘橈挂渚荇驟馬穿隄樹朝出熹陽  
瞰夜讌清月吐澗壑幻烟嵐松筠響韶濩清景難久戀滄  
海還馳騫石華采未能厄閭邁狂飈胸臆雖開張軀膽足  
駭懼蛟室欣生還再經錢塘路鄉心急如箭未敢言且住  
譬如良友朋不獲班荆語長揖各西東覲面仍不遇至今  
神飛揚慨想勞寐寤張公江海客豪氣豁雲霧落筆倒河  
源澎湃莫可禦海內名山川收拾奚囊富所悲故山好蓬  
轉翻如寓余亦困飢驅相逢惜遲暮襖被晨束裝河梁秋  
喚渡挑燈揚州市對話湖山趣袖中出舊圖酒邊索新句  
促君訂歸期扁舟逐君去

午後北郭閒步逢田鴈門邀同殷石琴何左裴紅

橋泛舟歸畱小集遇雨分韻二首

東風吹客袂隨意作幽尋偶值泛舟侶遂和滄浪吟巖花  
初地閉湖水半天陰鐘梵坐來歇啾啾宿暮禽

萬里浮槎客三年出塞人

鴈門曾參軍塞外

天涯傷往日杯底惜

餘春驟雨忽驚座好花應委塵來朝湖岸上唯有綠成茵  
綺檻效義山體調友人

半低綺檻半窺櫺斜月幽輝正一弓苔印暗捫金屈戌花  
鬚輕撼玉玲瓏海棠易綻偏經露楊柳難持况受風最是  
莊生堪妬煞至今魂夢在花叢

山帶閣納涼閣在北固山之半

峰腰小閣坐披襟閣外鳴蟬雜梵音日轉松杉交路暗雲

隨帆席過江陰追涼不覺青山暮道故寧辭玉盞深况是  
司勲憑眺地此軒闌檻到如今

舟宿瓜渚同壯猗仲

薄遊值春殘居然憶鄉里歸心偶得遂復此對知己孤艇  
澹烟中艣聲微月裏燈明夜漁出人語眠鷗起雪醒泊瓜  
洲潺潺聽江水

初夏同程衡帆韓思穆鮑雅堂飲北固山下二首  
落落山川勝茫茫人代遙沈戈與折戟今日未全銷草色  
侵衣帶花香入酒瓢春光畱不住新綠已遮橋

峻嶺攀緣遍臨風引一尊清江歸大海紅日落平原顏謝  
驚人句齊梁古帝魂凌雲亭外立下界又黃昏

西津曲

春岸白楊花春江小桃樹人倚北樓風口落西津渡西津  
渡口水作底太無情潮來憐夢杳舟去怕帆輕去帆日已  
遠風景日已晚綠芰落吳塘紅蘭荒楚畹長江楚到吳渺  
渺隔音書妾愁建業水郎愛武昌魚憶郎江上別幾見江  
頭月月明不照心花殘猶戀葉願化望夫石不化石尤風  
風生波浪作歸路若爲通

小集郭立齋舫樓劉雲峰以種竹後至

霽色流雲亂遠峰三層樓迴倚高春青山有約聽殘雨滄  
海無端感舊踪憑檻亟宜持酒賞耕煙未得荷鋤從紅牙  
玉琯填詞處

雲峰工小令

明日應添翠幾重

春草堂雨中憶焦山新綠

草堂一夜雨老屋垂蘿薜著屐來素交叩門薜衣積臨窗  
噉新茗散坐披古帙忽憶空山中佳木正蒙密蕉陰蔽天  
涼竹翠交霧出邇緣羣岫暗遠混滄波碧披蓑漁入浦蔭  
樹僧行汲洞壑宜靜便生涯各羈疾兔角悟來今鴻爪感  
疇昔何當理煙艇長往學棲逸

雨集擣雲草堂遲程衡帆不至

故人臨水敞茆堂垂柳當門亂夕陽忽漫雲兼青嶂起坐  
聞雨過碧階涼樹痕平遠分瓜步帆影低迷入建康醉倚  
闌干暮江上不關離思亦茫茫

常西北以紙索書既報命矣翌日西北復自臨古

帖數種見寄因謝以詩

如何綰蚓紆蛇體  
換取跳龍臥鳳姿  
小史將來鋪几看  
桐陰一院日斜時

鮑禮臯齋中坐月

曲巷人跡稀  
虛堂夜初靜  
密林漏素輝  
蘚階得清影  
淡雲河漢轉  
古榦龍蛇梗  
舉目唯空明  
妙悟惜俄頃  
佳境難爲名  
默坐心已領  
廣庭生微風  
朱夏袷衣冷  
勝賞詎頻逢  
今宵與君並

雨中同李琴夫訪劉雲峰時盆荷初放桐花正繁  
遲郭立齋不至二首

高齋連夜雨  
高人方獨吟  
相訪薜蘿逕  
眴然花樹深  
紅敷

葉底萼綠生庭際陰清芬渾不覺坐久上衣襟  
江上詩酒侶海隅離別心三年此良覲誰復辭深斟盟鷗  
泛清渚獨鶴翔遙岑晚來檐溜歇延佇瑤華音

集飲有香草堂次李琴夫韻

積雨浹旬日晝陰似長年苔階朝菌秀薜壁蝸痕鐫茲辰  
有霽色細樹晚翳蟬攜樽酌池上隱映新嬋娟綠看菱荷  
發紅變山樞然歲月不我待孰能辭華顛相期落秋實相  
戒矜春妍古人文字業漫漶隨雲烟

病起登練光樓有懷邗上諸同學

滄江無百里便與交親隔平昔畏離羣矧今當臥疾朱花  
垂敗戶青苔上空壁晴旣困炎蒸雨復苦霑濕薰風動衣

袂強起理輕策登樓聊騁望身世如久客圓景向西傾浩  
然江流夕心隨飛鳥遠愁與煙波積故人呢燕好良會應  
同惜何時重合并促坐慰蕭寂

贈李琴夫

文人相輕自古昔異同堅白徒紛呶出奴入主有何意坐  
令吾道成滴澆李生高才擅文藻瓊琚玉珮鏗相敲不知  
者笑知者忌累牘莫解羣兒嘲吾鄉先輩倡文雅許仲張  
承以後殊寥寥國初遺民臥草澤偶借吟咏爲逍遙種學  
齋中繼壇坫鼃鳴蚓竅空嗷嘈豈無新語炫流俗祖述不  
本風與騷近向江城數手筆海門鮑氏同君超往昔朽株  
變珍木一時俗耳聞雲璈我見低頭每下拜况敢口舌相



夢林詩集 卷三  
訾警逝將與君化二鳥同鳴同息還同巢無那江湖各浪  
跡君南我北如藏逃前年我具浮海航得君長句鎮巨濤  
已沈海底不漫滅光怪眞足降螭蛟祇今三歲置懷袖把  
讀仍使意氣豪瓊瑤瓊玖未足報願言終始契漆膠

雨後過耨雲草堂

草堂新雨過盆沼芰荷香林際一蟬噪滿庭生夕涼江隨  
殘照濶雲雜遠山長不盡依依處清尊是故鄉

送劉存子歸蘭陵兼柬令兄樸夫暨熊兆堂余汝

舟四首

每唱陽關便愴神此番懷抱倍難陳纏綿情話堪通夜倉  
卒離觴未一巡芳草祇今羈杜牧殘暉何處弔春申天教

吾黨稱昆仲試檢衣衫並有塵

攀龍聲價負師門貧賤何年報故恩滄海未馴孤鶴性雪

泥難忘斷鴻痕溯風且爲斯須立聽雨休將往昔論秋爽

北堂應健在板輿安穩奉潘園

時聞太夫人有疾

休文多病最關心迢遞蘇臺盼好音

時樸夫養疾吳門

尙憶端憂

臥彭澤曾勞乘興訪山陰池邊小酌嫌杯淺江上相望覺

水深又是西風楊柳岸疎枝折盡怨難任

班揚舊作金閨客

謂兆堂

湛岳新聯玉筍行

謂汝舟

萬里江湖

身落托一時聚散意蒼茫停雲鎮日青梧老望月終宵白

露涼從此相思更迢遞燕關鈴馱冒秋霜

羅新堂書室落成

秋草羅含宅。繩牀愛擁書。添茅防屋漏。洗竹得窗虛。余亦暮棲息。空齋失掃除。明當買歸棹。荒徑自教鋤。

青厓老人畫蘭曲

春蘭不獨如美人。亦如高士棲空谷。詎辭芳烈雜蓬麻。自有林泉伴清淑。青厓老人七十餘。白板繩床半間屋。或仙或佛任遊戲。不娶不官無檢束。時寫黑蘭寄孤興。張之素壁豁雙目。風邊折葉自妖嬈。露下一花尤靜穆。憶予結髮誦楚詞。便思紉珮湘江綠。前年杖策遊建溪。蘭足幽巖逐餘馥。畫蘭愛蘭各有癖。叩余以故殊難告。得交老人踰十年。未敢叩門求半幅。千叢萬本意乃快。斲楮零縑願亦足。昨晤老人親許余。凌晨爲掃霜毫禿。人間顏色誇桃李。吾

道高寒擬松菊嗚呼此義向誰陳請爲老人竟此曲

東淘舟次同嚴東有家少林夜話時少林將歸寶  
應

日落暮山靜悄然秋月生清輝不覺遠但與涼波平預念  
明晨別難爲此夜情頭顱已如許猶自矜浮名

### 秦郵守風先寄家少林

天涯昆季少人事別離多復此風潮逆共如歡會何暝煙  
生遠樹孤月起寒波爲我畱家醞明晨冒雪過

### 漂母祠

風急征塵上鬢絲五年南北路逶遲泥塗未了酬恩志今  
日重過漂母祠

夜過露筋祠

祠後枕湖波祠前對淮水水光浴皓月殿宇空明裏夜半有櫂聲神雅忽驚起

雪後過崔家莊同劉映榆先生和壁間韻

岱雲東接海雲長雪後停車問野莊腰裏有心追曉日芙蓉無地試秋霜劇憐江館違朋舊且喜天涯侍老蒼白戰去年邗水上醉吟同學笑詩狂

漱六山房集

戊寅之冬余再入都門館於侍御蔣榕盦先生邸寓侍御命其二子受學於余所居漱六山房古今體詩

十九首

劉樸夫南歸以詩代書寄揚州毘陵諸遊舊

年行已長歲月逾出門望望增百憂永言思我良朋儔欲  
往從之路阻脩客星前年聚揚州臭味似漆膠中投朱花  
照春白月秋時杖短策緣山邱更攜清醕挈扁舟咄咄眾  
鳥鳴相酬分知人天一輕漚此樂他日難再求歡場掩袂  
每坐愁汎瀾涕泗不可收寒移暑序未一週果然踪跡萍  
飄流就中傷心吾子由族弟鮮民創鉅號松楸冬郎嚴長  
臥疾久莫瘳去帆望斷江之洲肥泉小閣竹木幽毘陵復  
得少慰畱合并未及言綢繆賤子北征心悠悠長揖就塗  
披敝裘崢嶸冰雪驅梁輶長安甲第王公侯無魚竊恥彈  
蒯緱閉門養拙同鵲鳩江南三月芳草稠故人念我應登

樓寓書問訊平安不幾時還續昔日遊及吾數人未白頭  
戲爲俳體再送樸夫兼柬諸同學十首

十二層城碧玉闌九霄風露夜來寒明河一水尋常事已  
作迢迢天上看

春初喜得挽花驄一晌流光過病中直到秋來仍別去賺  
人離恨是西風

淪謫由來未一春無端婚嫁苦紛紛最憐小妹藏阿閣織  
出鯨綃粲五雲

仙籍雙雙定有名底須結習善相輕好教邢尹同廉藺纔  
是人間二妙并

蟲文綠字寫鸞書只憶紅燈夜坐餘今日羊權尋舊約細

將條脫認當初

記得觥船素月流垂楊偏映最高樓藏鈎私握仙人手也  
抵花枝當酒籌

一行紅淚背窗紗碧玉盈盈是小家爲語春風休害怯封  
姨不如斲腸花

漁歌髣髴有挈音回首桃源不可尋葉葉各隨流水去九  
秋誰與護花心

雲雨堪疑隔楚天休憑鸚鵡妄傳宣藕絲不斲蓮心苦說  
與傷人亦惘然

歸帆婀娜下殘陽重問當年姊妹行何日朱廊春月夜海  
棠花底捉迷藏



送張煦生歸桐城因寄姬傳二首

鴻鴈南征勞旅人亦不息懷策未得陳

煦生以廻遲未與京兆試

惆悵

返鄉國西風吹鈴馱林木共蕭械門高名轉累才僞身仍  
屈龍眠山色佳歸去及秋碧世事何足言情話悅親戚顧  
余塵埃中忍使壯懷沒儻遇同心人辛苦爲余述

海外苦相思中原復離索揚州聚散地回首烟漠漠昨傳  
尺書至歡喜狂欲躍再讀新詩篇沈思慘不樂秋颺鳴紙  
窗白月下西閣歲時不我待襟抱焉所託棧豆繫奔駒樊  
籠困飢鶴與君夙昔意恐便成飄落緬懷殿子裘欲採麗  
公藥

陳澂之招飲寓齋出其先少保

于庭

處士

貞慧

泉

侯朝宗吳次尾冒辟疆諸先民遺跡見示有感東

林舊事因賦長句

陳生逸才誰比倫東林鉤黨之子孫豪情直逼九霄上健  
筆羣詫萬馬奔酒酣爲我展縑素古光照案如犇尊有明  
之季天紀亂茄花委鬼煽禍根二三君子雖過涉正氣亦  
足褫奸魂君家奇杰萃一門鳴鳳展翼秋鶴蹲尙書抗疏  
留讜論處士結社垂高文維時友朋盡膠漆風流翰墨干  
瑤琨我今觀此長太息烏虜世亂賢才出仲宣詞賦咸從  
軍開府文章泣亾國當時天地風塵黑諸公奔竄無畱跡  
義兒狎客擅刑賞公子秀才被羅織骯髒寧無噍殺音悲  
歌頗灑淋漓筆那知身厄名更揚郤痛人亾邦亦滅卽今

卷軸對君開髣髴昆明認劫灰  
唐昭漢獻清流禍千古英雄併可哀

送別戴東原

我生不識字亦復墮憂惱寒愁衣履穿飢畏糠覈少讀書  
竈觚下爨塵落如攪食貧身每勞處臨見逾小戴君古經  
師束髮忒幽討授禮出淹中講易超繫表尋源漢小學博  
涉乃深造形聲辨孳乳義理得豚抱古今所聚訟絲棼自  
纏繳惟君眼如月不受微雲繚攻堅穎脫囊裁僞風振槁  
昔年逢君地賓館嬌叢篠嗟余不得志相棄浮海島長鯨  
吹腥風生死難可保卻觀日出處火齊漲紅曉鹿化春葩  
繇琉球仲春之月鹿化魚龍臥秋雲悄掉頭顧中原芥舟輕渺渺歸

來閉一室默坐厭機巧稍窺天地奇彌愛經籍好獨學恐  
無成賴君發奧突譬彼入暗人得燭目方瞭云何合并遲  
偏教別離早征馬衝寒颺霜晨嘶白草長塗從此去積雪  
鋪魯縞撫時增慨傷我心懸旆裊聞君善推步句股剖分  
秒三百六十度僂指已明了阨窮信人爲主者有蒼昊試  
測少微星雲霧幾時皎

贈錢景輝

馬纓花殘槐樹綠昨日天街雨新足傾蓋逢君停玉鞭握  
手一言知款曲長安貴遊紛若雲似君玉貌超常倫連璧  
休誇散騎省五絲莫繡平原君偶然咳唾隨風露使似珠  
璣散瓊樹阿誰總角誇草書由來弱冠能文賦君家簪紱

何頻仍甲第高竊南蘭陵鳳凰麒麟信有種犬子空負凌  
雲稱鄙人滄海供多病寧倚友朋爲性命南馳百越北燕  
關天地孤蓬嗟伶俜前年煙月古揚州裙屐翩翩萃勝流  
白舫青簾春授簡銀燈玉琰夜藏鈎同時意氣層雲上雲  
散風流各惆悵竭來旅館缺樵蘇只有劉生歛窮巷謂僕  
百年含意此重中寥落天涯幾弟昆看君騰踏三霄去他  
日泥塗訪故人

徐傳舟將之山左贈行

昔年海外相依持與君親愛比昆弟及返中原轉離索人  
海喧卑各牽繫騎驢旅食春復秋匆匆未展故人意邛爭  
萬里與咫尺曩者相從今不遂信知聚散非由人空堂默

坐增感喟昨君長揖告我行書簾琴囊緘束備皇華善處  
禮爲羅後命頻催馳驛騎勸君酒琰君少畱共君聊話疇  
日事揚帆自出五虎門水氣浮空失天地遭逢惡颶不能  
傷天遣餘生縱遊戲蠻王前席求雅音中山王曾延  
傅舟彈琴若秀  
當延獻清吹琉球貴公子皆善歌舞  
其姣麗者謂之若秀蔡家法司老識書琴  
論一篇逞宏議法司蔡溫爲  
傳舟著琴論惟君及我皆好奇佳處追攀  
閒處醉由來域外文獻存周諮亦頗資多識卽今光景仍  
目前縹緲三山已隔世古稱泰岱小天下九點蒼烟堪俯  
視昔觀於海今登嶽不負平生遠遊志卻思後會神黯然  
努力春華莫顛顛

初夏同賈雲臣訪衛畏之歸宿雲臣所聯句

客踪逐流萍

王

春韶騁奔軼結交通神明

賈

慕古勤慨想

珠光合有斯

王

龍文劇相賞厥時朱曦輝

賈

是夕新月晃

繇英餘殷紅

王

細蔓鋪莽蒼將離炫顏色

賈

栗畱闌音響

暖嫌絮衣重

王

涼愛層軒敞談鋒雜喧豗

賈

飲興標倜儻

青州濃到臍

王

紅炬高照額呼拳張吾軍

賈

射覆列羣黨

勝敗倏廻環

王

趨避或欺罔再接再鼓以三

賈

一喝氣無兩

淋漓污衿衫

王

指拍勞臂掌歸塗夔逐竄

賈

偕行景謂罔

九門報嚴更

王

萬里昏虛象長鬚掃屏軒

賈

跣足踞塋爽

汲井旋敲茶

王

買燭急按縱狂歌鄰夢驚

賈

久坐龙吠朗

文石摹籀斯

王

丹砂燦益盎僵龍斲快刀

賈

生虵竄鼓莽

冰絃靜惛惛

王

礬素深混混爛斑墨灑壁

賈

狼籍書堆棧

吟茲十笏寬

王

惡乏千間廣泥塗剝啄希

賈

畱滯襟懷愴

浮鷗野難馴

王

直枯理不枉耕耘志未酬

賈

婚嫁事初昉

那復憐脾痛

王

今纔爬臂癢耐月無樵斤

賈

沿波有漁漿

掉頭天地間

王

放眼羲皇上寄示同懷人

賈

早辦屐幾緇

王

### 咏瓶中白芍藥

曉折名花供膽瓶疎簾素幌動微馨更無長物畱髹几一卷維摩所說經

夢樓詩集卷三終

夢樓詩集

卷三

末



夢樓詩集卷四

丹徒王文治禹卿

丁香館上集

通籍後寓居宣武門外珠巢街庭有丁香花紫白各  
二株遂名曰丁香館進御之篇敬列於上集曰中  
曰下則同人唱和之作也上集古體詩十首

乾隆

聖德詩有序

臣稽首言臣伏見

皇帝陛下纘

謨承

烈累洽重熙平準噶爾撫有伊犁全部

鴻功昭垂古無倫比而小醜霍集占波羅泥都背  
恩助逆法不可宥

皇上睿謀獨斷復以全盛餘力追捕二酋自庫車抵拔  
達山殲厥兇渠安集和罕延望風歛附歲未五更  
拓地二萬餘里

皇上廼懋昭典禮

頒詔中外大功慶成無思不服臣伏稽唐元和間平夏  
平蜀博士韓愈作元和聖德詩備極褒美夫以域  
中彈丸之地興師削平何足稱述而其臣猶欲形  
諸詠歌傳示無極今我

皇上德洋威愴數萬里外屬籍郡縣職官全賦咸稟

國章星野土圭竝入正朔照臨無外大澤旁流視唐  
元和所紀不啻日月之光下掩螢燭書契以來未  
有如

聖德之隆者也臣初自田間備員史館仰惟  
廟算誠不能窺測萬分之一而

如綸如綍時得伏而讀之敬效韓愈體作乾隆  
聖德詩一章凡百五十韻知無當于

明盛光揚謹自抒其葵藿傾向云爾其辭曰

皇受景命道握符契虞夏陶鑄乾坤經緯仁聲義規四  
輿咸暨繫準噶爾洪化之外稽誅

兩朝未殄厥類

天授

聖功眾醜內潰六師堂堂往撫其界既集而安如雨斯  
霽其人我人其地我地纘

烈祖緒謨烈攸既乃霍集占兄狼弟狼囚于伊犁其兩手  
械我平準夷脫之纍繫俾爲會長舊職弗替詎伊  
孤恩黨我畔逆作射人蜮爲吠堯獬

皇乃震怒命討有罪僉謀庸庸斷以

聖智首攻庫車搃其要害仡仡崇墉匝以矛鏃我將弗  
力賊廼潛出

皇曰咈哉是曷可懈再整我師

命將兆惠采入阻深有進弗退大宛勃律耦國懷恚各

以戎兵對立而許我師過之泥首受吏望風質成  
若古虞芮有駟者駒有文者幣作貢

皇朝誕受

寵賁桓桓我師晝逐夜馳騰越郭畢揮斥荒裔曰阿克  
蘇曰沙雅爾烏什和闐茂不率俾靈輶神鉦直薄  
賊壘二會睢盱謀以逸待奮臂豎毛如蟬如蝟我  
師鼓之六伐七伐一當其千火之烈烈泉沸于沙  
粟物于穴堅壁鬼穰莫我敢拂維時兵馬適更番  
至

聖謨所周匪卜匪筮副帥先驅參贊後繼銜枚宵攻與  
賊還嘖萬刃閃霍萬騎標營鏃大如掌雜以礮石

面騎背角從衝衝突風雨合離不可方位賊大顛  
蹶以蜂螫蠱蹂踏喧阗退入其窟我師爰處蒐乘  
簡銳長驅洋洋虎氣百倍賊知穀廩曷禁泰岱有  
恒其逃罔定所適其舊伯克通曉理勢獻其二城  
士女老稚四門洞開街衢連綴瓜果壺簞殷闐歡  
呀偏袒右肩合掌而跪僉言我族歸

大皇帝永永年代就瞻

天日又言逆曾我虐我瘵今始懸解感激涕淚將軍奉  
詔溫語拊慰除兇衛良告爾無畏顛顛踴躍導我前旆  
廼扼其吭廼折其臂賊猶負嵎設伏于隘巉巉兩  
峰冀作扞蔽分遣餘孽鼠閭狙睨夜見晝潛幸我

無備將軍奉

詔更申嚴誠萬全而出有善無敗前矛中權蹙之至再  
奇兵援兵鋪敦千隊渴虹奔騫飛電掣曳騰駕豐  
隆鞭笞列缺進鼓退金磨之以旂大袒高驤滅此  
朝食賊益窮窘或號以泗卒伍離披輜重捐棄輦  
載妻孥僕二三輩挺險遠颺以免死丐唯拔達山  
地寥以萃

天威照臨人知面內矧伊賊酋復市狡獪自相勦襲以  
速翦殪花門之豪其力肩膊捧我移檄助我張幟  
一會奔逸躡于亂騎骨肉雜糅罔辨醢載一會授  
首伏砧伯儼銛鋌揮空風腥于血二會旣誅回則

大喜安集和罕版圖竝隸將軍執馘檢校無失露  
布星飛來奏

天關粵惟西土夙稱遼絕稽古方冊莫得翔實

皇定伊犁廼疆廼理龐鴻懿鑠帀洽無際爬抄小醜夫  
何芥蒂律之

天討實無可貫纖垢點瑕咸予磨剔我武之揚于斯歲  
事歲在單閼建子之月告功

郊

廟

駕龍玉軼馨香薦升天樂礪磻卿雲御行綰紛綵縑  
上壽



慈寧福祉駢迭純嘏上祥靈曜開揭吉日頒

詔大澤汪濊格于

陵

寢邇于禋祀逮于臣庶行慶以次洪輝景炎剏魄四被天地中外罔不霑漑

龍章麟麟宣昭文思括堯舜典以宏訓義復旦之華垂示無艾惟

皇聖哲滌濯羣疑允允大漠鏡照數計無有征調土不况瘁無有飛輓財不乏匱竣此大勲以保以乂上暢下沂邇遠胥屆於萬萬年垂衣而治惟

皇聖武信賞必罰懲忒恬嬰俾習勤勩疇儆而車帟朝

是肆疇康而績麟閣是績竣此大勲奮發蹈厲五  
載未更震疊奏凱於萬萬年明威無貳惟

皇聖仁恩雩施霈降人千部班其官秩爾有泉刀我範  
我式我有田畝爾耕爾稅竣此大勲于三萬里遠  
人齊齊塞原每每於萬萬年以隆蕃衛惟

皇聖敬持盈保泰密勿單心惟日其邁匪矜遠圖前聞  
是衣匪耀武功

天心是誌竣此大勲俾昌而熾嘘吹祥風鑄冶元氣於萬  
萬年澤涵昆跂小臣作詩敬效謠測蕩蕩巍巍無  
能名述

慈寧萬壽詩九章有序

維二十有六年冬十一月恭逢

聖母皇太后七旬慈壽時久道化成海宇康乂

皇上獻壽

慈寧之宮

錫福光天之下中外悅豫神人樂胥靈貺咸臻謳歌並

作猗歟盛哉

臣

竊窺古經籍帝王光被善必歸親

母后慈仁德以致福是以明明在上之詩言武王  
燹伐之功也而推本於太任太姒思齊之詩言文  
王肅雝之德也而追原夫京室徽音說者以爲文  
王天性當聖而德有所由成武王帝所降臨而美  
崇其本始爰是揚詡之深形諸雅頌以爲世法我

皇上仁孝性成智勇天錫加以單心宥密日進无疆  
御極以來綱舉日張邇安遠乂前者底定西陲載揚神  
武當

國家全盛不過以餘力及之然而

睿算如神環至立應奏功踰年之內拓地數萬里之外  
書契以來史冊所紀未有能及此者臣謹按孝經  
援神契云天子之孝曰就謂德被天下成就萬物  
尊榮其親也今者德洋而威憺六合之內九州之  
外喁喁向風物靡不得其所經所謂帝王之孝茂  
以加矣猶且卻

尊號而弗居止祥符而勿獻惟是奉

大安之興脩

時巡之典述

祖烈遵

慈訓爲兢兢焉蓋惟

太后懿德有以裕

皇上之鴻猷惟我

皇欽明有以承

太后之令旨則

本朝致治之盛駕三代而媲唐虞者我

皇之德而卽

太后之福也

臣草茅愚賤依

日月之輝光得厠史館譬如蠅螋之承雨露感戴高厚  
莫能自名茲值敷天洽慶之日不揣弁陋敬撰古  
詩九章拜首稽首以獻

喬雲霓

椒幃愛景延蘭殿養兼天下隆德及羣黎徧稽古母后儀  
坤順贊乾健易奕流渚虹綢繆繞樞電徵音仰  
壽康令範邁經傳

懿訓

聖所欽

慈仁天實眷算從義策增福自箕疇衍萬國洽歡心卦舞

向畿甸 一章

畿甸集蕃祉重熙運方長我

朝撫區宇謨烈垂耿光卿雲旦復旦衣紹逮我

皇維

皇崇孝治無逸宏典常善述

烈祖志用承

慈顏康問

寢椒塗溫視

膳楚庖涼錫類澤縣縣洽壽風洋洋繁彼含齒黎浩蕩嬰

春陽二章

春陽扶安輿天葩拂羽葆

巡方奉

慈寧言泣東南道靈巖山翠佳明聖湖光渺柔艣曳晴波  
輕騎籍萋草雲霞宮觀出煙火閭閻曉綠陂秋入  
麥臨水香生稻省耕展豫遊近光虔頌禱明年重  
望

幸欣漑

渥恩早

三章

渥恩被中外寧論邇與遙亘古阻聲教拔達山岩堯前  
年西出師指顧平天驕大旗照白日邇雲爲之高  
耕屯從茲盛弓矢從茲櫜作樂譜楊柳告

廟陳含桃吉語送

慈闈燕喜當春韶巍乎不世勲允矣雲漢昭

四章



雲漢本無心能爲

聖朝瑞日星行有度協氣因時萃春王履端辰介

壽重光歲團圓月璧合煥爛星珠綴陶唐迄炎漢茲瑞豈

恒致圖牒立琅函銘勒立金匱惟

皇謙弗居倍厯持盈義卽此摛冲懷時雍覩

帝治 五章

帝治浹方夏歸化及海隅炎風扇日角朔雪彌天區衝  
波越剗旬梯山陟威紆西賁白玉環南琛火齊珠  
渥洼入天閑輝抵供

御厨更采饗休曲樂部調笙竽外域增舊傳王會撫  
新圖匪云寶異物亦以充

慈娛六章

慈娛非一端釐祝遍三界清涼佛國山花雨飄香靄七燈  
輝春旗雙樹映芝蓋金根龍女侍玉座獅王拜由  
來大法輪適與

昌期會矧茲萬眾心荷

恩比嵩岱康衢聽頌聲宛似潮音唄還看首善區頂禮

集寮案七章

寮案獻賡颺士女效謳歌熙熙日長至玉琯廻春  
和早梅破寒玉瑞麥鋪晴莎卿霄結爲幄醴泉溢  
爲波度索桃堆盤雲牙酒滿螺琅璈奏天上彷彿  
鳴鳳過鶴紀真無疆魚藻欣有那香山耆宿在

優許陪

鑾坡

八章

鑾坡洽歡聲

朶殿增晴色嘉符玉篆文

鴻號金書

冊暄分

蘭館春潤被

璿幃澤有

詔推

洪慈海宇綏寵錫爾臣康爾績爾民安爾宅人似遊華胥

天爲開壽國葱龍瞻

北闕易奕通南極

小臣

拜稽首祝

聖母萬億九章

夢樓詩集卷四終

夢樓詩集卷五

丹徒王文治禹卿

丁香館中集

古今體詩五十二首

題青藜古漁圖

樵漁亦有營所喜遠塵市麥光寫澄波萬頃在尺咫漁舟  
似茅屋生聚乃於此何心海上鰲豈羨河之鯉唯應載書  
畫素業時復理歌詩和拏音葦間出韶徵風雨不須歸儻  
遇元真子

秋日雨中過曹近薇索飲

桂花已老菊花殘好煞秋光未一看昨夜雨聲來浙瀝故  
人風格愛清寒西山恰向尊前碧鄉樹誰憐夢裏丹從此

相過應更數

近薇將與余結鄰

爲余料理酒杯寬

董東亭莊似撰錢魯思蔣敬五會飲余齋

庭月空明積秋水客懷澹蕩卷春雲暖生浮蟻新醅熟涼

送征鴻落葉聞此地風沙工餞別

時魯思將南歸

幾年江海得論

交酒闌更剪西牕燭促坐休嫌到夜分

秋日寄江上故人四首

北斗京華望眼橫鴈南飛處不勝情題詩壁恐春苔沒沽  
酒樓仍夕照明人事紅塵紛聚散吾徒素業是鋤耕蒜山  
山下西江上借問新蟾幾度生

通籍朝登金馬門何如野鶴乍乘軒破風萬里餘豪氣策  
蹇三年有淚痕寶愧頭銜稱著作虛教僮僕費饗殮昨宵

烹得雙魚看多謝溪山特厚存

平生得意少年遊日日黃壚互唱酬芳草心情淹妓館梅  
花時節上僧樓中年早覺風懷減異地渾忘歲月流忽聽  
蛩聲鳴砌下一庭綠樹又禁秋

招隱寺前楓葉殷焦公洞口釣舟閒煙波東下渾連海形  
勝南來始有山酒伴依然攜蠟屐道人終日閉松關稚主  
定向長安笑出岫雲忙且未還

題虞山座主闌中畫香櫟

相公手有造化功淳風洋洋春靄靄綸扉大計重調燮  
府餘閒逮圖繪今春鎖院羅羣芳樺燭三條照官解胸中  
元氣忽淋漓腕底生機寫清快暎口香分優鉢花懸枝色

現黃金界柿柑風嶺合興儻橙橘霜湖徒擯价會聞此種  
生南天瘴雨瀚之炎日曬磁盆髹几伴高齋一入題評價  
增倍賤子飄零江海隅皮骨奔波毛羽鍛匠門豈乏梁柱  
材雖有絲麻蓄菅蒯成陰結實待鈞陶直榦孤根本寒介  
生綃展對感愧兼願效米顛袍笏拜

唐再可移居

曾對青山坐曉衙都門小住更移家上元好剪春盤菜隔  
歲仍攜驛路花客至牀書高似屋官貧家具少於車來朝  
還展遨頭約轟飲知君未厭譁

送葉書山先生歸里

策名不厭遲歸休不厭早清時豈嘉遯知足乃吾道三春



別承明百晦樹芳草宦遊重去鄉  
君恩况優老龍眠白雲多聊用舒懷抱

懷抱異時俗居官亦隱淪廿年依禁闥屋舍如荒村門前  
秋草長日夕聞蛩喧尙餘萬卷書開函對古人時得慼心  
句還招賤子論

賤子江海人落魄向京國憐才得先達泥滓勤拂拭憶曾  
居對門沈病戀牀席白日滿破窗爲我饋朝食廣厦千萬  
間感此增歎息

歎息長安道聚散真浮萍舊遊彭

晉

與方

巨

存歿何飄零

昔升君子堂把酒談遺經合并纔幾時已作向晨星知公  
最相念回首春江汀

春江新漲生蓀蓀一歸艇  
解舍及漁莊相依楊柳影  
平生山水福乘傳供遊騁  
借問王尊馭何如元亮井  
故山以故人晤對心應領

心領巖壑趣茆舍景倍幽  
某樹手所植某山曩所遊  
北窗微風來動我簾上鈎  
此時瞻玉堂眞如隔瀛洲  
還同擊壤翁歌吟爲國麻

狄雪衿寓中看殘菊

舍人憐我畏索居邀我高齋看  
殘菊繇葩已被秋風吹數  
朶猶帶霜華馥籬邊欹側似  
依主物外丰標自離俗老僧  
退院結茅菴寒女牽蘿倚修竹  
先時原讓桃李妍晚節還  
澹松檜蕭剪蔬剝棗憶前宵  
就月移燈看不足深缸酌盡

甕底黃清蔭兼借鄰家綠詰朝落葉堦除堆始覺人間時  
序促豈是名花戀賞音畱取殘枝媚幽獨裊露寧無徵士  
懷餐英可有騷人福依羈幾載飽風沙日夜雙眸盼林麓  
隔牆誰送古寺鐘倦鳥已返寒原木

李琴夫下榻余齋以詩見贈次韻答之

偃仄荆扉久不開忽聞千里故人來塵沙又是三年別江  
海仍淹一代才帆影書樓簾映水碁聲道院屋遮槐何時  
再占名山福滿案丹黃校玉杯

夏至後三日同人集丁香館得道字

賃屋城西隅荒徑垂綠草閉門剝啄稀熱客笑枯槁恭承  
長者轍相就事幽討冷官乏僕御晨起船灑掃移席當樹

陰開窗對晴昊盤飧實粗糲聊用敦古道猶記暮之春檐  
角新月皓丁香綴絲葩故人尊共倒轉眼居朱夏纖絺換  
吳綳坐聽蟬韻稠暗惜鶯聲老歲時信不居少壯豈常保  
長安冠蓋地前輩盛文藻觴咏尋遺踪蒿萊愴懷抱古今  
來去間疾若弦脫筈執竿酌清光脩名以爲寶

琉球刀歌

琉球之刀光照水水斲蛟鼉陸犀兕昔者浮槎曾得此請  
爲歌行究終始彼國之王稱舜天乃在有宋淳熙年肇作  
衣冠創文字卻令智巧生戈鋌此刀合是何年鑄疑是三  
王紛割據微塵界裏波旬爭小有天中羅刹聚白頭親方  
向我言

謂鄭  
秉哲

爾時五行丁錯迕噩風著海波翻白日青

天散腥雨天公厭亂閔闔鑒金精降宿詠渠豪湯冰陰火  
入鎔冶鯨髓萬斛當鵠膏秋霜凜凜寒吹饕飛來橫海雪  
一條礪以辨岳之大石淬以霸江之巨濤滄耳使者材力  
竭脫光神人剗鍊勞君君祝祝球人所奉之神助靈異始令蛟窟  
煙塵銷自從受吏通中土遂徹藩封置州府島尻健士罷  
弓劍久米諸生習鄒魯此刀繡澀無洗磨寶筵祇用娛樽  
俎乃知封建天地初學士何須拘復古琉球昔用封建國多纂弑及通中國  
始置郡縣至今不見兵革我如滄海不繫舟持竿偶作汗漫遊多謝賢  
王殊禮數瑤笙瓊勺頻勾畱臨岐分手脫相贈琅玕錦段  
難爲酌歸來挂壁風颼颼至今深夜號潛蚪

次韻答家西瀝同年見贈

八年前憶柳條新薄笨車中笑語親風雨韶光隨去鳥  
菰蒲秋水阻文鱗相逢且問湖山事小住剛畱芍藥春  
料得盟鷗諸舊侶一天涼月也懷人

萬柳堂懷古二首

金穗垂垂暗畫樓平泉無復舊風流人間俯仰皆陳迹  
當日鶯花是勝遊淩亂殘荷常作雨荒寒夕照不成秋  
草橋亦有開池館明月曾經按石州

詞壇先輩此登臨金石琅琅振雅音棋墅動成千古事  
酒壚重感百年心靈均賦在仍香草逸少書亡只茂林  
休向漢南尋舊植江潭搖落更難任

陳其年先生填詞圖

迦陵詞筆辛蘇儔百年圖畫存中州漫羨名姝親翰墨由  
來前輩擅風流風流見說遊梁日丁年落魄嗟行役失路  
誰憐吐鳳才當筵瞥遇驚鴻客妾家細雨石頭城君家陽  
羨暮山橫春鶯日日山前囀春草年年城上生小年同飲  
江南水飄泊相逢乃於此愁看落日照夷門信陵孤墳土  
花紫青衫紅淚兩蕭騷感事傷春並寂寥跌宕柔情歸彩  
筆消磨豪氣付瓊簫簫聲月下增惆悵詞調風前劇悲壯  
入破音隨流水迴換頭韻激層霄上一朝奏賦直明光宮  
錦裁衣稱體長紫禁揮毫多寵遇紅樓計日轉淒涼生綃  
寫出相思意填詞似答迴文字同時都下盡驚才傳向騷  
壇成盛事只今披卷省音塵金粉雖銷翰墨真聲伎何曾

關氣節須知髯也自超倫前年親見雲郎畫想到紅粧伴  
遙夜媛女妖童絕一時旗亭信長詞人價壯悔堂空水繪  
殘文章烟月共荒寒平生懷古情何限莫遣傷心畫裏看

秋草四首

滿目蒼煙一夜風曉來到處有吟蟲鹿場零雨迷周道鴈  
影斜陽沒漢宮南浦未歸青翰舫西園誰驟紫花驄欲知  
此後殷勤意只有楓林向晚紅

依闌緣砌傍池頭披拂春光乍未休蓬轉榮枯寧有定花  
時風景太如流青苔曾訪當年寺黃葉初登客裏樓不用  
征鴻更嘹唳眼前已是十分秋

楚客悲來自不禁謝家夢斷鎮難尋看殘愁外千山色抽



盡春前一寸心明月何人吹塞管涼風昨夜急清砧萋萋  
自送王孫去引領平蕪直到今

半是霜痕半雨痕更無人處易黃昏明如去日應回首陳  
后愁時正掩門荒塚泥香餘舊路空階輦跡記前恩秋懷  
旅思俱難遣落日驅車向古原

曹竹虛披雲山采藥圖

竹虛手持鴉嘴鋤蒼蒼石磴行盤紆不惜涼露沾衣裾薄  
采芝朮供儲胥自言昔日披雲居靈界呼吸通天衢天風  
往往聞步虛徑欲把袂浮邱徒飲醕天酒餐雕胡相君之  
骨癯而腴仙骨本與常人殊前身五雲閣下趨謁來猶得  
依玉除乞以此藥施凡夫飢爲粒米寒布襦少者駐顏老

病蘇爲君更貌春臺圖

送沈器堂歸陽湖兼寄劉旭岑同年

長安八月風氣涼送君南歸道里長十旬霖潦無止息悵  
惆恐與行舟妨舉酒屬君聊進觴蘋蓳梨棗熟可嘗念此  
離別憂難忘風雨幾年話對牀夜深四壁號寒螿今君擢  
第付銓部依然干莫埋青鋌勸君歸去樂未央東南信美  
山水鄉田家瓦盆白洗漑網魚酌醴娛高堂門前陽湖數  
十頃澄波浩蕩延斜陽三年高臥會重起腰繫墨綬懸銀  
章仕宦何必致令僕貴與赤子謀耕桑君今且去休徬徨  
爲君秣馬復理裝儻逢劉公爲問訊旦晚或有雙魚將

寄懷陳澂之次李琴夫韻

鴈聲度寒空停鴈忽然起相看歲云暮故人邈千里與君  
昔相見禪榻依佛子林外歇疎鐘深燈共棲止今年二三  
月復此遊燕市新竹半出牆故燕幾移壘豈無廊廟具和  
聲奏韶徵單車辭都門知君非得已朝滋九畹蘭夕攬三  
湘芷望氣識巨闕聞絃辨纖指靈匹會相將自獻君所耻

顧吏部秋夜讀書圖

三里樓邊路秋光儼畫圖書聲出流水明月在菰蒲牧跨  
春牛背炊依晚竈觚自憐貧廢學撫卷重踟躕

贈張晉白

官奴書法繼逸少虎兒畫筆如元章琅玕有孫鶴有子美  
爾晚晴舊草堂

題畫

篷窗擁被酒初消  
十里煙波轉畫橈  
記得鴛鴦湖上過  
吳娘一曲雨瀟瀟

送周景垣閣學視學江西二首

鳳凰池閣老儒臣  
萬里輜軒寵命新  
使節乍衡匡阜雪  
賜貂猶帶禁垣春  
湖涵日月晴當檻  
峰削芙蓉翠照人  
漫道三江分九派  
淵源應得導師論

滄溟當日泛星槎  
生死相依天一涯  
石筍夜涼陪嘯月  
扶

桑秋霽共尋花  
魚龍蟄處濤凝練  
蛟蜃驚時氣散霞  
蠻語

叅軍調笑好  
只今殊域尙籠紗

閣學有叅軍蠻語定如眞之句蓋謂余學琉球語也

寄懷江蔗畦

匹馬論交春暮天  
桃花飛絮亂榆錢  
長安市上如漚酒  
不共深杯漫七年

送熊蔗泉扈 暉南巡

冠帶年華早拜郎承  
恩扈從及春陽  
受風柳拂天閑馬  
近水花沾漢署香  
別思慙教縈遠樹  
賦材應已料長楊  
雞翹鳳蓋宸遊路  
一桁青山是故鄉

爲吳香亭題鄭板橋畫竹

板橋道人老更狂  
棄官落拓遊淮陽  
興來散卓揮簞簞  
風枝露葉相低昂  
吳君何從得此本  
尺幅之勢千尋強  
瘦幹欲上轉欹側  
如敲水檻送晝涼  
卻憶板橋始識我  
竹西古寺園池荒  
便命深缸共斟酌  
月移鄰篠來破牆  
平生結交

幾老蒼江湖阻深道里長撫君此卷心徬徨

石門蔡貞女詩貞女蔡履元進士之女弟

石門西河城流水清泱泱田氏與蔡氏世居河之旁兩家  
結姻婭韶齒正相當田郎未十齡讀書目數行蔡女學織  
素夜夜聞機聲乾隆歲在寅江介廻春風依依新柳發灼  
灼天桃榮媒氏前致詞婚嫁及辰良何以致禮儀金簪玳  
瑁裝何以結同心江南明月璫星奩開寶鏡斗帳綴香囊  
重衾裁蜀錦一一雙鴛鴦其夜白鳥啼蘭煤慘無光朝來  
凶問至風雨摧紫荆蔡女得聞知悲痛迫衷腸上堂啓阿  
母從夫聞前經樹有連理枝枝枝相糾縈禽有比翼飛飛  
飛共和鳴綺翼有時碎高枝有時傾此心無改移九天以

爲正阿母含淚言願兒少從容嗟而舅與姑哭子哀莫勝  
汝去更倉卒翻使悲哀增阿母復衰暮阿兄况遠征朝夕  
須扶持何忍舍汝行蔡女默無言悲哽結中情戚戚何凄  
淒奄奄臥病成檐外櫻桃花旣開亦已零巢空燕不來沉  
落滿窗楹呻吟向牀蓐不知春與冬嘔血染襟碧滴淚濕  
綿紅孤幃自舒卷弱喘聞喁喁姑嫜得聞知視疾啓房櫳  
堦除青苔厚半載無人踪執手語婉切少痊當汝迎婦姑  
相因依亦足慰惻惻蔡女謝姑嫜深恩心所銘但恐年命  
促不獲侍湯羹言訖反嗚咽泣下何浪浪自此彌輾轉骨  
出如飛龍郎如優鉢花乍現空中香妥如卷薤草中心實  
已傷心傷枝亦瘁生理寧久常與郎同月生生乃各分張

後郎三歲死死乃同墳塋土花凝夜紫宿草鬱春青陵谷  
或變遷大義靡虧盈作詩告來哲巾幘有貞名

常熟顧氏芙蓉莊紅豆樹歌

嘉靖中顧耿光自海南移紅豆樹植于虞山之芙蓉  
莊大可合抱莊廢樹在田中爲荏苒所燬乾隆  
元年復長孫枝近且盈把矣常熟顧鎮云

芙蓉莊前紅豆樹風枝雨葉數百年素花冉冉露垂地朱  
實離離霞照天清陰閱世渾如乍何人垂老開亭榭宋玉  
家教庾信居謝安墩許荆公借當時小劫換滄桑滿目興  
衰弔夕陽宰相名圖荒綠野將軍大樹撼青霜可憐才望  
傾山斗璧月歌殘人白首婆娑屢顧東陽槐悽愴還攀漢



南柳見說高秋張管絃相思子綴畫闌前我聞室

河東君所居

裏拈花女親與維摩薦壽筵二十年來苦兵馬那得紅芳  
迎玉笋諸天應是厭菱花香雨重飄新好者稱瑞題詩引  
貝多供雲不數曼陀羅還將剩水殘山恨譜入烏絲紅袖  
歌秣陵飛散春江燕烟條彫盡靈和殿誰知南國女兒花  
堪補東吳耆舊傳物換星移幾番去春繅華回首又前塵  
豈唯宮闕餘離黍廢苑都應愁路人絳雲一炬遺書了此  
樹亭亭亦難保菊徑曾經紀義熙草堂空自談天寶東風  
吹暖入山城聞道孫枝昨更生何日繅葩滿春晝金尊檀  
板聽鶯聲

玉輦橋觀荷二首

樓閣倚蓬瀛荷香十里清花欲知露重葉妥覺風輕橋影  
雙虹墮波痕一掌平小儒叨侍從每過眼雙明  
翠色宜朝雨晴光雜暮霞人稱君子性根託 帝王家白  
塔映空遠紅牆依沼斜菰蒲他日去會向老農誇

題畫

芭蕉新雨後掩映綠天長空翠生晝寂微風迎夏涼倚崖  
蒼蘚潤淪茗古泉香嗟爾淮南客幽棲亦信芳

夏日城東泛舟同全穆齋司成丁芷溪周立崖兩  
侍御三首

長安赤日愁炎蒸漫膚多汗沾軟塵今日風光何太好不  
晴不雨偏宜人

輕雲羃樹樹蘸波山光水容淡自和中著瓜皮小艇子飄  
如落葉隨風過

三年別我菰蒲汀一見尺波雙眼明船開卻似自家屋牕  
響疑聽鄉人聲

題傅凱亭畫雞冠花

曾聽潮雞半夜聲扶桑花綻日初生畫中秋意涼如海想  
到當時破浪行

壬午京兆試以分校入闈呈兩座主并示同人用  
蔣心餘前輩韻二首

奎宿遙分日月光行營銜命到朝廊瑤墀露重黃封泥  
禁樹風微紫綬颺幾許鷓鴣陪載筆昨宵鴻鴈送歸裝司

天合奏卿雲旦見說文明應壽昌

時近聖節

鎖院槐陰透日華分曹左右列蜂衙高寒最近文昌座閑  
置休嫌新婦車往日間官原似客經時小住便爲家爲傳  
奉使諸同學憶爾張騫八月槎

壬午閣中蔣心餘前輩以長句向紀元稚監試乞  
酒翌日餉酒並及同人卽用其韻謝監試仍呈心  
餘

涼颼徹曉宿雨收青天一洗秋心愁沉沉鎖院萬籟寂遙  
聽鼓吹如清謳瓶罍忽啓魚鑰進遍給不用花爲籌卻訝  
鞠生何處至頭廳相對疑雙眸蔣侯詩興匹供奉何人肯  
爲營糟邱西江遠接漢江水撥鷗鷺綠當胸流揭來京師

困消渴酒海未許乘桴浮棘闕向得給官釀泛蟻亦足盈  
瓷甌何年卻下止酒令籌車莫遂豚蹄求前人愉樂後人  
苦細推物理蓋有由豸冠使者性正直鐵肝不屈王公侯  
我性獨與薑桂近何必有齰無監州口體之奉甚微細得  
君委曲忠爲謀晨昏擘畫及鹽米有無料理分膏油雖然  
小住頗依戀竟欲竹馬相遮畱晚來命僕整盤飮敲門拉  
袖招吾儔月光照案積冰雪放懷一醉真休休

李琴夫落解遊大同詩以憶之二首

一片長安落葉秋霜華滿地拂吳鉤繞朝未贈臨行策郭  
泰先乘欲去舟乍聽雞聲還作客虛勞猿臂說封侯大同  
城上應回首燕市春風舊酒樓

岷流萬里下南徐一曲滄江擬結廬故土能無桑下戀窮  
交半向客中疎無端更望并州路何日同讐石屋書

焦山有傳

先生聞道飛狐寒信早鵲裘珍重朔風初

夢樓詩集卷六

丹徒王文治禹卿

丁香館下集

古今體詩八十首

題座主秦味經先生秋堂講易圖二首

六藝俱載道惟易尤奧深遙遙漢魏來誰識義周心說理  
狃淺近尙象恣幽尋譬若臧與穀各徇其所欲豈知至道  
要不下帶與衿變化在睂睫闔闢成古今吾師超繫表危  
坐秋堂陰

林表入秋氣萬象竝澄澈虛堂映道心動靜無机隄蕭疎  
倪黃筆秋意如可掇以茲悟至理澹對忘言說吾師秋官  
長引經獄已折事功在人間堪補傳注缺明鏡知不疲願

立門前雪

梁瑤峰先生移居硯北齋家詒堂攜酒奉過分得  
物字詒堂與先生鄰居園饒竹樹故有末句

出宣象郡風入領烏臺紱單車便移家平生無長物二三  
好事賓攜饌聆談拂鄰牆酒樽過隔院茶鐺沸今年春較  
寒花樹未蕊鬱新雨到薜階生意堪髣髴高齋乍掃除簾  
波細如熨雄牀足文史披覽殊未訖安得竹數竿清響掃  
塵拂請裁翫鳳書更就王猷乞

法源寺海棠未放詩以催之用東坡定惠院海棠  
詩韻同梁瑤峰先生作

塵海閉門如槁木一任旁人笑孤獨朝聽喧鳥始知春



芳逐隊聊從俗城南古寺有名花不用峯嶽越巖谷頻年  
花發及春韶暖霧紅雲照廊屋睡起晴窗露靨顰浴罷輕  
衫隱肌肉今歲清寒怯花骨欲逞嬌嬈猶未足見人退縮  
似僧懶不字迤邐如女淑羣公催花鬪好詩青蓮腸胃孝  
先腹昌黎譙飲必文字山陰祓禊勝絲竹詩待成時花亦  
開對花展卷齡雙目少年踪跡愛遠遊恨未攜筇入巴蜀  
卻憶家園秋種佳吾家秋海棠最盛翹首南雲美飛鵠金鈴好與  
護深枝羯鼓一聲歌一曲有色無香莫漫嗟楞嚴先斲鼻  
根觸

瑤峰先生招至法源寺看海棠仍用前韻

法源寺幽饒竹木仙品惟茲生使獨三春過盡無譙遊花

神母乃笑人俗憶偕宋玉

謂小巖

事靈均敢擬坡翁得山谷

八年瓊海阻音塵落月馳思時仰屋邇來休暇快追從剪  
韭烹芹愈梁肉名花著意助清賞欲開未開風韻足錦天  
繡地太天斜香界心燈自真淑老僧愛客能好事具食烹  
茶果吾腹豈知王氏有家風不問主人惟問竹南華道人  
張鵬翀題壁句冰雪空明寒射目風流前輩幾人存靈光  
在魯講堂蜀後進翩翩林上鶯先生矯矯人中鶴他時故  
事說春明會傳樂府催花曲薄暮歸來更舉觴花氣還將  
酒懷觸

曹檀游文柳汀觀稼圖三首

昨夜山村急雨過家家相喚理青秧柳條引得微風起卻

向秧田作綠波

兒曳朝衫父課農帶經原自有家風玉堂露浥新麻白茅  
舍雲蒸晚稻紅

湖海飄蕭漫十年久荒招隱寺門田披圖鄉思濃于酒正  
是西風秀稻天

同劉存子集蔣敬五齋中次韻二首

二分明月映層軒五載前曾共酒尊賓鴈無端兩南北隙

駒只似一朝昏荒蕪尙憶江都井剪拂難忘元禮門

謂蓉龕映

檢兩先生夜合花間重促膝滿庭芳草助銷魂

白許前身杜牧之傷春傷別最難支那知燕市行歌日不  
及揚州被酒時從古賢豪無久聚平生歡會獨沉思華燈

坐對驚容鬢如煞仙郎白雪詞

送陳望之守廉州

太守人中豪先世崇閥閱照耀寰宇間文章兼氣節祖德在國史父書藏石室二百餘年來奕奕如昨日蒼林毓鳳雛深山蘊雲物所宜出羣才及時展宏達昔年充貢賦同試五雲闕文陣搏秋鷹風貌皎春月都人盡傾倒昂首待騰撇遭遇信有時非時難強擬下走亦鍛羽南望賜百結春明折楊柳太息送君別男兒雖落魄豪氣殊未歇君方返伊洛我便竊滇渤風波一不戒幾被蛟龍得那知竟生還復此點朝列今年夏秋交霖雨暗繁樾逢君長安市五馬仰待秣謁遇得廉州計日麾旌發九拜辭丹墀

天語何諄切詢問及先人  
優賜有書帙廼知蓄積深  
光氣不可遏朝廷恢土宇  
絕域同軌轍象郡及日南  
風教久洋溢邨連黃稻山  
穠稔如雲密溫暾上銅柱  
木棉堆曉雪莫愁飛鷺跼  
會看神雀出公暇儻相思  
還點石闌筆  
題揚州桂月田梅花詩卷後二首

揚州煙月數詩家走馬才  
名客共誇莫是前身何水  
部紙

牕疎雨賦梅花

石壁菴中女字枝

石壁菴在焦山

三年不見最相思何當共向菴

中住消受江空月墮時

送蔣霽園同年歸河南省親

今日華堂一杯酒明日旗亭一枝柳  
人生那得無別離離

合幾番人白首與君論交意氣傾與君一語知生平君性  
宏和予褊狷囂譏相捨難爲情看花曾記春風暮馬蹄日  
日東華路霓裳同詠未三年半賦皇華半歸去美爾高堂  
鶴髮垂倚門還爲數歸期明年千畝牡丹發正是板輿行  
樂時

送桂月田之大同

旅愁偏爲少年生南下西遊路幾程欲倩珠郎歌一曲班  
騅無奈是離聲

爲戴蓴浦題看劍圖

嗟君負才何自喜抒寫豪情圖畫裏名姬顏色嬌春風  
中有麗人寶劍光鉞射秋水鴉鬟蓮靨青蛾長掩映龍文星

斗光杜甫引杯惟短燭莊生對客少紅粧  
劍術曾聞神授受專虎望之如美婦須知豪傑本多情然諾非徒重杯酒  
憶予早歲江海行學劍學書兩未成聞尋吳下吹簫侶自  
愛關中任俠名卅年寒燠如奔轡兒女英雄俱昨夢鬢絲  
禪榻對春光午睡初醒聞鳥啼

次韻申京兆時晴齋偶成三首

齋爲汪文端公舊寓時晴題額公所署也京兆久  
與爲鄰今得并賃之

故相閒齋有數楹馮家使雪舊齊名君謨膺爲廬陵署庾  
信才堪宋玉并暖藻遊鱗知驟暖營巢新燕喜初晴敲門  
看竹頻年慣此後無煩稚子迎

接葉交柯亞曲闌手披蒙密得遐觀石如秋鶴拚飛易草  
似春波欲唾難紅藥叢邊風婉婉綠蘿陰裏月蒼寒傾杯  
試照遙天色清淺銀河不起瀾

詞雄都下更誰先問字曾叨載酒緣寓直歸遲偏整暇論  
文興到每纏綿澆花課又添僮約款客餐廳待俸錢五架  
三間規制在詩人例借草堂傳

題祝芷塘詩卷後二首

月露風雲不受塵亂頭粗服見天真渠儂生小蘇隄住合  
與東坡作後身

水程山驛半奚囊青鬢風塵亦可傷令我回思十年事征  
衫猶未浣秋霜



虞美人草

垓下歌殘戰士奔，斜陽何處弔芳魂。  
小樓夜雨人無睡，起看花枝有淚痕。

癸未分校禮闈感懷虞山塾園兩座主四首

龍門咫尺白雲天，感遇慙恩獨惘然。  
沍露新梢纔幾個，霜宿草已經年。  
三朝經術元成貴，一代風華仲寶賢。  
履跡衣香渾似昨，後堂無復到彭宣。

休明鴻業待紆籌，美志何嘗慰菀裘。  
拱樹仍聞依北闕，垂鞭忽似過西州。  
閒尋紅壁曾題句，忍對青春更倚樓。  
昨夜東風真太急，庭柯蕭摵直如秋。

流落江潭復海濱，儒冠青鬢已霜侵。  
冥鴻秋晚無歸路，杜

宇春殘耐苦吟當日親承升僎意卽今豈遂薦衡心歸然  
獨有靈光在

謂大司寇秦公

拂拭重加涕淚深

牛斗闌干月向低步檐悵望夜聞雞  
檣材那副公輪望倦  
馬曾逢伯樂嘶坐閱春秋成逝水重看燕雀占高樓青袍  
自憶三年事正是門前立鵲齊

### 憶花十首

隔竹曾敲曉寺門曼陀花界易黃賢憑誰傳與封姨檄好  
護亭亭倩女魂

籠煙笑日總嫣然風韻依稀記往年此日相思何處說半  
窗殘月五更前

風前標格故矜持可許當筵折一枝爲報花奴停羯鼓泥

人全在未開時

何勞辛苦問仙津同近東風各有因  
簾幙低垂人不見暗擎香茗供花神

半倚高樓半碧巖餘馨猶自著春衫  
雕梁燕子多輕薄莫與新紅一朵銜

幾番消息問元霜多恐仙家晝更長  
雲海沈沈瓊戶閉曉風立盡又斜陽

夜來微雨曉來晴一片輕雲上玉清  
但覺天風侵袂冷不曾聽得步虛聲

春波流出武陵桃微意公然有一毫  
誰信陳王才欲盡芝田仙館月初高

簾前輕暖復輕寒，欲捲東風不忍看。  
料得夜深難睡足，也應和淚倚闌干。

風絃露索幾縈迴，始得移根上苑栽。  
妬煞鄰家春色好，不教蜂蝶過牆來。

### 別唐再可

秋風擬送君，條已春花發。  
流寓變光輝，艱辛向誰說。  
君負經世才，射策三詣闕。  
也如杜陵人，慷慨比稷契。  
蹉跎郡縣間，壯懷就銷歇。  
何堪持一觴，明日與君別。  
江湖波浪多，行行慎飢渴。

### 送朱子頴遊江南二首

孤帆浩蕩又南征，滿路蕭蕭落葉聲。  
夜雨十年渾昨夢，秋

霜一劍識平生故交誰念西華葛壯志難忘  
北闕纓便欲商量餅與鉢那堪長自絆浮名

當年燕市和悲歌只有荆卿感慨多肯信奇才終濩落已  
憐豪氣半銷磨江湖接海紅銜日山翠連城碧暈螺儻過  
鄉園勞問訊敗畦仄巷近如何

題畢秋帆同年倚竹圖

人生豈合居無竹滾滾紅埃使人俗開圖忽覺寒翠生滿  
紙琤琮敲碧玉萬竿叢雜緣山阿西轉坡陀臨水曲赤日  
不到晝亦陰清風欲來波自綠昔君得意逞馬蹄其美長  
安花看足千紅萬紫競爭春何似孤根傍茅屋與君交契  
託歲寒柯葉不改凌霜肅看君玉貌宜公卿結實會應巢

鳳族翰林官貧朝苦飢未免佳人在空谷安得千戶同封  
君一飽無餘自捫腹移書急爲問家園三徑休荒舊松菊  
送祝芷塘歸省

十三工詩歌十五善今古手筆驚老成風貌如處女射策  
及春風春園桃李紅賈誼年方少終軍氣最雄羣公動色  
看天子臨軒羨瓊林走馬歸衣惹飛花片而我住京華  
柴門白日斜忍飢空索米破產久無家感君相爾汝直似  
蛩憐鴈永晝坐敲碁深更同聽雨昨宵秋風來吹君檐樹  
枝君心一蕭瑟通夜念庭幃凌晨便請假綵服將南下去  
鴈與歸帆蒼茫接平野秋月滿江湖秋心並月孤明知是  
小別岐路各踟躕

送董東亭給假歸里

塞鴻南飛飛不歇，浩蕩秋空逐寒月。十年作客一歸家，千里扁舟共超越。憶君襆被來京師，道旅相逢話愁絕。塵踪那免飢寒驅，寶氣會待秋風發。丈夫一第豈足榮，所喜才名達。天闕青旻好看健，鵲盤碧海甫得鯨。魚鰈長安聚散苦不常，又見離筵爲君設。江湖水濶涼露多，一夜蘆花白如雪。

鄭炎以所藏前蜀王鐫書妙法蓮華經殘葉見示  
詩以誌之

青山千仞古梓州，琴泉寺荒一片秋。浮圖歲久就傾毀，蓮華經卷散不收。鄭君吳人官蜀地，文藻弓裘能好事。忽從

煨燼檢來看故蜀平章王鎔字行間熠煜如有光肉腴骨  
秀中含芒筆跡遠紹徐季海宗派近開趙子昂法華末後  
方開演天龍擁護神靈顯當年戰鬪苦頻仍書此多因厭  
兵燹卻憶唐家全盛時內庭翰墨萃瑰奇百本陰符勅登  
善千金聖教購羲之李花零落年光促冠裳避亂多依蜀  
可憐閨運尙風流手跡翩翩看不足青城山上月如銀曾  
照宮中羅綺人只今廢殿風鈴響猶似甘州法曲聞

送吳猷芍舍人歸里

籍甚吳夫子千篇幼婦詞紅薇當直夜白雨閉門時秋近  
鄉心切官貧歸棹遲黃山一片月應爲照相思

秋夜對月有懷李隨軒楚遊



楊柳方城晚蒹葭漢水秋今宵千里月應上武昌樓沙白  
容廻鴈波清趁沒鷗五湖曾有約何日共扁舟

寄鮑雅堂三首

空齋日日盼鱗鴻江水西頭皖水東客思難禁秋雨後家  
山多在夕陽中盤鵬鍛翮風猶勁繡劍生苔氣自雄獻賦  
漫嗟除授晚淩雲稱已冠諸公

滄海半生爲客久詩人相得似君難菰蔣鷗鷺盟應在鐘  
鼓鷄鷄性未安綺語至今餘結習放歌何日罄交歡分明  
記得齊名約

少時與雅堂讀滄溟集至齊名他日事側目此時人慨然者久之

寂寞誰能

身後看

青春白日去堂堂回首無端似夢鄉曲檻臨波沽酒店平

原如繡打毬塲江山勝處真堪老歡會兒時極不忌泛宅  
浮家他日去漁人何處問行藏

題袁香亭紅豆莊圖三首

嫋嫋青枝拂柳塘垂垂朱實映斜陽西湖風雪梅花外更  
有詩人紅豆莊

記得東風欵竹籬丁香兩樹欲花時春寒入骨清無睡一  
夜吟君紅豆詩

此夫中州十萬家春耕都望雨隨車好將南國相思種開  
作河陽滿縣花

時香亭授河南正陽縣令

題負米圖送戴篋圃前輩歸省

昔賢有嘉行負米養高堂茅舍炊烟遶微聞粳稻香伊人

念明發秋早治歸裝計日長腰熟扁舟近故鄉

柴門聽蟬圖

涼意歸溪山幽居絕塵境何處驗秋聲鳴蟬最相警柴門  
日將夕滿地疎林影喧寂雨不存久立心應領

題阮吾山舍人秋雨停樽圖時吾山方悼亡

檐竹疎疎半落井梧颯颯初涼春明作客歲晚秋雨停樽  
夜長畫圖有怨難寫簾幙無風自颺誰念紫薇仙署顛毛  
欲似潘郎

送曹素爲令新都二首

素爲余癸未禮闈  
分校所得士也

馬首春深指綠蕪江山今古識魚鳧峰迷白雨千盤峻棧  
入青天一線孤簾肆有人還待訪芋田無稅不須輸微聞

父老相傳語只望文翁再剖符

鎖院東風燭影寒  
新梢使覩拂雲竿  
讀書能事於今見  
知己相需自昔難  
作宰况逢山好處  
催耕肯俟鳥啼殘  
銀章墨綬專城日  
應念蕭蕭惜大官

寄懷童鶴階同年二首

相送春花暮相思  
秋草生疎林  
烟外色斲鴈  
雨中聲每憶  
追歡笑何年  
再合并  
夜來新月好  
知向剡溪明

坐愛偎紅密杯從注碧  
深誰憐羈宦意全減  
少年心禹穴白雲冷  
鑑湖秋水陰潘仁顏似玉珍重二毛侵

聞鴈二首

鴈聲不可聽  
一夕鬢成絲  
孤月新寒夜  
高樓被酒時  
塞垣

荒苔荒楚澤老江離那更禁橫笛風前一曲吹  
平生勞跋涉江海一扁舟漠漠蘆花晚蒼蒼水國秋霜從  
今夜重角入曉雲流嗟爾長羈旅真飛何所求

題邵登之梅花破屋鐫圖卽送其旋里三首

三間老屋半欹斜彷彿林逋處士家冷蕊疎枝清入骨美  
君修得到梅花

夜長風靜閉門時一卷楞嚴半格詩折腳鐫中茶未熟坐  
看寒月上花枝

策蹇京華未擬回年年客裏負花開萬峰寺外香如海一  
幅輕帆歸去來

白頭吟代懊懺曲

乍可爲御溝之水東西流不願爲玉井之蓮竝蒂生溝水  
東西自來去偶然相值原無情何如同根草枝葉交縈繞  
無端中道兩分張使人輾轉傷懷抱長卿昔口未遇時金  
徽特譜求凰詞未成曲調已暗賞佳人本是心相知寂寞  
當鱸年十五幘鼻相看淚如雨一朝奏賦明光宮千金忽  
愛茂陵女雖有營與蒯何如雲錦裳雖有縞與綦何如時  
世粧往時恩義如山海密誓幽期定何在黃金可變志難  
移白日無言意先改錦城春月明錦江江水深空照兩人  
影不照兩人心舉頭卻見雙飛燕飛去飛來芳草遍多君  
贈我雙明珠可憐猶繫紅羅襦君不見魚尾箋箋魚策策  
竹竿之長不盈尺飄飄華能幾時男兒意氣君須識

送商童初之任房山

小邑枕房山連蜷青不斲縣齋捲簾坐山色如帷幔去京  
纔百里已覺風景換吏退鳥鳴庭琴清月當案嗟君曠世  
姿下筆瀉銀漢三年兩把袂貧病多羈絆秋深楓柏寒霜  
重葭葦亂明發又分攜西風暮蕭散努力事吏材霖澍沾  
里閭

讀陳伯思送商童初令房山縣詩序

鳳凰麒麟間世瑞珊瑚玉樹天下珍不緣眼見欽異彩無  
由隨俗同稱論君家世業擅文史早年都下妙譽震令弟  
科名忝同甲往往紫陌偕尋春因循未讀君著述祇覺貌  
敬無心親房山縣尹行有日青門祖帳羅眾賓酒酣援筆

各有賦君爲序語何溫醇古人情狀豁呈露有似鉅野鏗  
韶鈞嗟韓歐陽不可作雅音百代長沉淪卽今後起尤落  
落伊誰古道求通津我園老友

彭晉函

墓草宿程二

于姚六門

姬加於人君以高文樹壇坫眼前旗鼓堪一振年行四十  
尙不仕惜哉踪跡埋風塵揮金買醉兼買笑長安市上屢  
舞躑英雄失路耽酒色奇氣猶足驚常倫安得貢之玉堂  
上點竄典誥誠民神

初冬同曹竹虛集宋小巖棗花書屋三首

蕭蕭黃葉打階除寂寂秋英落更疎只此荒寒成小集聚  
蚊金谷可能如

烏皮木几傍文欄筆硯先敎小史安半葉黃庭撫未了水



沈香篆靜如蘭

中年已往憐交少  
天色初寒戀酒溫  
無事尋常相見慣  
樽前坐對轉忘言

送張丈蔭泉之漢陽司馬任

武昌春柳綠於絲  
漢口春波滑似脂  
曉日風帆爭利涉  
天晴樓閣鬱參差  
一麾父老觀新政  
廿載門生感故知  
記得垂髫鬢序末  
鱸堂花暖授經時

先生昔任  
敝邑學博

選體寄祝芷塘

美酒酌遙夜  
玉琴調素徽  
停樽忽不懌  
撫軫有餘思  
疇昔展談讌  
皓月照容輝  
那知聚首歡  
彌增別後悲  
分袂幾何時  
物序倏已移  
撼撼葉鳴樹  
霏霏雪侵帷  
水寒雙鯉阻  
天

遠孤帆遲瑤華如見報春日以爲期

送張守口歸杭州

送子長安道西風日欲晡劉蕡空得第張翰卻歸吳歲晚  
征鴻急天高病馬蘇似雄文尙在莫便臥江湖

蔣心餘前輩請假出都將卜居江南之金陵觀其  
意氣蕭疎似有終焉之志惜賢哲之難留羨高潔  
之莫逮賦詩述別情見乎辭

有美一人兮在玉堂懷煙水兮不能忘舟橫桂檝欲徑渡  
江波春壯天茫茫金陵地肺仙靈之都琅玕一碧琪花竝  
杼鍾山之雲欲去不竟去散爲空翠時有無嗟君一生江  
海客臥嵩立華天爲窄身長八尺口懸河柱腹便便濟時

策幾多寒士待手援亦有達官遭面斥中年通籍登金閨  
囊粟不療東方飢自願退飛同鵠翼難免謠詠加蛾眉門  
閉蒼苔老巷謝車聲擾頗嫌冠蓋華只覺林泉好君本五  
雲閣下之散仙前生誤讀黃庭篇上帝招之不肯返且愛  
游戲畱人間問君此去何時還觚稜斜日秋楓殷風蕭蕭  
而轉轡雲淡淡以歸山山中人兮采蘭慕清潔兮揚芳鮮  
澗方流而警鶴天未曙而鳴猿羌獨處此幽默兮竊恐寒  
松冷露愁白日而損朱顏平生風軌追禽向江湖魏闕兮  
常相望滄海鷗盟未肯寒定攜明月來相訪

射鴈圖爲李丈石亭作

平生不解彎竹弓一言射獵卻心喜秋天高高塞馬肥恨

不馳驅古原裏披圖素練風霜生金鐵彷彿聞鏖鏖畫師  
有意逞筆力馬蹄直踏虛空行烏號之弓赤羽箭游韁瞥  
轉驚飛電控弦不發發無虛遲速中間爭一綫鴈飛遠與  
青旻傍弓滿渾如月初上兩血風毛未墮時金鏃神光已  
相向公之治行眾所推越東燕北俱春臺豈知李廣射鵰  
手卽是文翁作郡才放衙無事琴絃靜莎廳綠暗飛花影  
偶然一寫胸中奇塞草邊風眼前騁千里驂騑不動塵穿  
楊飲羽信有神寄言游俠邯鄲子莫漫相輕儒服人

夕陽

秋意不覺暝涼風吹客衣渡頭流水去鴉背夕陽歸野寺  
鐘聲斷孤村木葉稀誰結屋未晚掩荆扉

雪後程于門曹來殷吳冲之趙損之姚姬傳宋小巖見過分韻得周字

客臥愛晚起推窗凍雪幽剝啄得良友忍寒爲我畱坐久  
見霽色暮景閒庭收對此展懷抱鵝黃酌斲甌官貧乏僕  
御盤飮苦不周所欣縱談諠快意忘更籌月光晃積素併  
作銀濤流庭院半弓地曠如萬里游莫厭數相過家醞堪  
歸謀

送張度西之任西江

旅食秋霜久漢京一官聊慰濟時情杯從郭隗臺前盡風  
到滕王閣下輕科目何能重名士詩書端的繫蒼生潯陽  
九派青於染從此春波聽政聲

題蘆屋圖

高人詩屋已荒涼  
畫裏葭蘆似屋長  
曾是大明湖上過  
秋風一夜月如霜

止軒雲水圖

逢逢遠岫雲澹澹  
方池水閒閒  
池上入日夕  
坐於此松風送遠韻  
忽似濤聲起  
風定野雲歸  
悠然會無始

黃金臺懷古

萬點寒鴉繞暮林  
燕昭遺跡此重尋  
尋常未乏追雲足  
今古誰拚市骨金  
霸業也須緣士重  
英雄從不負恩深  
卻憐病馬秋風裏  
棧豆空銷千里心

夢樓詩集卷六終